

漢

陂

集

跋漢陵先生集

昔在

敬皇帝海內全盛鮮見金華學士大夫思以文獻潤色
鴻業藻飾大猷維時空同濬其源大復沂其流浚
川橫其柱華泉障其川曰昌寂迴瀾對山揚舳復虞
夏商周之文講班馬曹劉之業庶幾乎一代之宗
匠矣由茲文人咸幸憑附繩度標旨裁範音格幽
深表系其微沉渾者祖其雅循沿者模其規組織
者則其麗而我漢陂先生重彬彬濟濟爭鳴兢翔
鳳翥鸞吟蟬蛙息響乃弘治正德間詞賦文章爲

之一變肆今新學小生直崇西京幾視江左出門
合轍不左周轅則數先生開導之功幾以加云慰
也游先生之門夙授陶鑪媿於膺近乃荷不鄙愛
受是集思遠調高音節爾雅蓋炎漢之博綜曹魏
之雋永

皇明之巨翰李何之並彥也壬辰之歲接使西晉時分
巡上谷張子瀛見之深用賞焉爰謀爲守單命工
梓刻之河左于以遠覃邦國弘敷久代願茲駉蹇
用僭數辭敢曰知言式存揚推嘉靖癸巳正月上
旬門人南澧王獻跋

漢陵先生集序

漢陵先生者鄆杜王子敬夫也我

明文章之盛莫極于弘治時所以復古昔而變流靡者
惟時有六人焉北郡李獻吉信州何仲默儀封王子衡
鄆杜王敬夫吳興徐昌穀濟南邊大庭實金輝王映光照
字內而予亦幸竊附于諸公之間乃于所謂孰是孰非
者不溺于剗剗不休于異同有灼見焉于是後之君子
言文與詩者先秦兩漢魏盛唐彬彬然盈乎域中矣
獻吉仲默子衡昌穀之集皆已刻行而敬夫庭實尚未
也辛卯秋敬夫家子順天通判瀛內艱讀禮之餘彙次

其集十六卷詣予請序將藏之家塾今年春二月予東
游華山會監察御史咸陽王君惟臣于臨潼曰漢陂先
生之集獻游門牆之日久矣顧有志于傳而未能今承
乏山西賞得其定本于瀛將以示予三晉與天下之士
執事幸有以教我也予觀漢陂先生之集其敘事似司
馬子長而不屑屑于言語之末其議論似孟子輿而能
從容于抑揚之際至其因懷陳致孝司景道情則出入乎
風雅騷選之間而振迅于開元天寶之右可謂當世之
大雅斯文之巨擘矣夫德不孤必有隣執文之士抑儕
以自高妬群而獨亢者皆是也予觀孟堅之于子長竊

臨心焉故辭遂

明興之文辭于諸公者如此於戲後之君子其將有以
感乎予言也夫罪乎予言也夫

嘉靖十一年歲在壬辰三月丁巳辭西山人康海序

漢陂集序

予始爲翰林時詩學靡靡文體柔弱其後德涵獻言導
予易其習焉獻言改正予詩者稿今尚在也而文由德
涵改正者尤多然亦非獨予也惟仲默諸君子亦二先
生有以發之顧予頑鈍不能勉副其意故今老且朽矣
而予所謂文若詩者竟亦無所得焉是則可恨也然又
弗忍盡棄暇日檢其差可觀者蓋十四五命子瀛臺次
成帙存之家乘而因述二先生愛我之意甚至不能忘
也若以示諸人人則吾豈敢

嘉靖辛卯夏五月五日漢陂山人王九思自序

重刻涪陂王太史先生全集序

余惟鄜杜爲關中名勝在唐杜甫諸公遊焉於宋程明道先生泄焉我

明太史王敬夫先生老焉初余登程子講堂訪少陵遺蹟而空翠寥落手槐婆娑矣於是敬詣涪陂仙窩瞻拜儀像徘徊紫閣峯下求問先生文集先生玄孫和諸生瞻防守晬奉先生集併續集樂府傳奇諸書長跼進曰先太史見忤逆瑾不阿時相一生霖雨退老春亭其浩然獨存者有斯集在余受而讀之琅琅仙韶一派不似從人間來以是名冠詞林不虛耳顧歲久板本磨滅簡

編脫逸觀者苦之遂命門人王子等彙輯參訂滙爲全
帙捐俸翻刻兩月告竣庶幾開卷如對先生不假優孟
衣冠矣夫先生當罷棄之餘其見諸文詞者疑頽焉自
放憤懣不平而諸文詞復溫厚醇雅不失詩人之旨於
戲先生蓋文人而儒行者也據年譜誌銘立朝居家一
遵典禮不忝程氏宗風歷落不偶卒歸忠愛堪繼少陵
詩史直推先生於程杜間可也是爲序

時

崇禎庚辰歲春三月晉人張宗孟書於鄆衙之思補堂

漢陂王太史先生全集目錄

漢陂集

賦二篇

詩四言二十三章

古樂府一十六首

五言古一百一十六首

七言古二十八首

五言律一百二十五首

五言排律八首

七言律八十八首

七言排律一首

五言絕句七十六首

六言一十首

七言絕句八十五首

雜著一十八篇

序二十五篇

記一十二篇

碑一十篇

誌銘三十四篇

表五篇

傳五篇

狀四篇

漢陂續集

賦二篇

古體八首

五言古一十八首

七言古二十三首

五言律一百二十二首

七言律七十三首

五言絕句二十七首

七言絕句三十三首

雜著五篇

序一十三篇

記八篇

碑四篇

誌銘二十三篇

表二篇

傳四篇

碧山樂府

近體

小令上卷一百三十九曲

小令下卷一百八十五曲

套數上卷二十二闕

套數下卷十四闕

碧山詩餘

小令五十六調

南曲次韻

次中麓山人南曲一百韻

杜子美沽酒遊春記

中山狼院本

漢陵集卷一

賦

夢顓帝賦

罹說言以苴草兮固幽昏而難明居瑱瑱其弗豫兮心
慌惚而怍怍君門九重而迢迢兮浮雲浩其盈宇羗薄
言而往愬兮路嶮巖其多阻空拊膺而流涕兮指蒼天
以爲誓心忉忉而隱憂兮蓋懷懷其如醉環堵孤坐而
呻吟兮孰知予之痛也聊假寐以隱几兮栩栩其予夢
也夢予駕鄉雲以爲車兮命祥麟以爲馭羲和道事以
前驅兮鸞鳳翔騰而擁護兮白榆之離離兮亂銀河而

徑渡帝居高且遠魏兮聊弭節而佇望群仙紛出以予
逆兮欲逍遙乎帝陳拜稽首以解息兮帝命并予于予
者團白雪以飯予兮飲予以湛湛之露咨予來其何爲
兮願予顏之慘哀予長跪而陳辭兮希垂聽於下懷曰
予待罪于承明兮歲冉冉其九更沃君心以勸諍兮
思諍于姦萌遂謫予於部署兮日奔走以皇皇繼閱歲
而兩遷兮孰輕重乎玉堂謫道時之汶汶兮恒皓皓以
自盟曰妻孥其無覲兮矧曰其感夫友生衆口議予之
形影兮謂假途而曠貨若曰予有此內疚兮敢復信信
而文過仰日月之昭明兮臨臨下土雷霆轟轟輿輿聲

兮曰震擊之爲武信鬼神其如在兮請左右而命之鑿
予行其符議兮願揚威而正之彼哆侈成南箕兮繁青
蠅止于樊誰適與爲謀兮罔敬聽于楊園寃矣哉叫閭
闔兮排帝閭皇心明其昭昭兮矜此勞人辭既畢而待
命兮優乎有聞帝曰小子朕告汝以大道兮比于爾身
昔屈平之謇謇兮衆蔽美而嫉妬沈汨羅以自明兮空
不揆天中素意茲與明珠兮固形象之類也朕曰載思
一車兮亦見豕之穢也議形影之舛錯兮自前世而固
然惟忍尤而含詢兮斯于大道之安汝信脩姱而內美
兮雖顛顛其何傷勿曰人莫我知兮橫涕泗之浪浪返

汝駕于南山兮結丹霞以爲房佩明月之團圓兮前卷
雲以爲裳太白巖巖而西來兮澧洋洋以東注懷故都
之信美兮服朕言而遠騫素衆絃于空谷兮矢白首以
爲期曰修汝之初志兮奚猶豫而孤疑予聞命而驩娛
兮恍氣豁而神寤九頓首以拜嘉兮下走循夫前路夢
既覺而雞鳴兮星閃閃其漸疎戒僕夫以夙駕兮予將
返乎故都

白石樓賦并序

夫撫景暢言登高斯賦物之情也曲沃李季卜紫金之
山構白石之樓書淫楚呂子之記走使郵杜下屬予賦

之予老且餒未能絕洪河陟太行涉名區探幽奇而乃
俛仰一室彷彿命筆故辭或歎焉聊述梗槩云耳其辭
曰

紫令自西蜿蜒而來兮吾不知其幾千萬里夫何旣斷
而復連兮停蓄于此眺巖齋之晴旭兮白石齒齒維諸
仙之苗裔兮字曰仲南扶鬼神之祕靈兮發奇勝于幽
潛乃因物而著形兮錫嘉名于詩髯仲曰塵囂全以擾
擾兮余其何堪維茲山之洵美兮庶永棲而窮探命公
翰兮余爲防岑構兮崔巍隣白雲兮古洞瞻幽巖兮翠
微山之巔兮瀑布懸雙溪匯兮樓之壩慨巢父之遐躅

兮飲牛之灘釣臺歸以屹兮憶尙父之垂竿濯我纓兮
有磯石可坐而憩兮觀瀾桃灼灼兮如霞誰遮秦兮山
之阿仙人降兮何年山有石兮嵯峨峰崒崒兮雲卧踞
西溪兮石梁之作石梁之作兮是曰利津雲冉冉而忽
變兮油然而作霖維霖雨之寥寥兮白石之陰望美人而
不見兮實勞我心吁嗟乎樓中人兮衣芰荷沆瀣爲漿
兮飯胡麻驚風霆兮虹霓爲車左王喬兮右挾浮邱弄
秋月之團圓兮春雲與游予老且狂兮狂不可療思遠
游而圖兮圖釀黃河之洪流澆予懷之旣醉兮搥碎白
石之樓

詩

四言

大孝述典禮也追崇禮成頒議乎郡國徵臣與
焉感而賦大孝

允矣太孝因心自天維植斯根維流斯源世廟言言天
子是虞孰其遏之終以孔宣

世廟備矣以洽百禮天子穆穆百僚濟濟以享以祀以
介遐祉神曰來爾本支百世

本支百世嗣我皇祖乃聖乃神乃文乃武無疆于行希
越厥度神之聽之庶以無怒

神之無怒昭格于天降福綿綿如石之磐如日之暉與
天之延嗣我皇祖億萬斯年

大孝四章章八句

渭川懷康子也

渭川有竹其葉脩脩繫彼美人于焉逍遙愛而弗觀我
心搖搖

渭川有竹亦濱于水繫彼美人莫我肯適願言卜築于
子之里

渭川有竹風以散之
彼美人何日見之何日見之中
心戀之

渭川三章章六句

雨雪紀異也

辰月己卯雨雪其現既墮我麥亦殺我蔬民之吁矣亦孔之瘉

雷霆轟轟雨雪其零倏煥而寒民用弗寧孰司天紀而國是經

灼灼桃李雨雪靡靡翩翩若子孤裘薄瀾笑言衍衍衍衍爾余曰孔憂詳言鄙矣

雨雪三章二章章六句一章八句

南山美康侯也維茲鄩學多歷年所日就頽壞

官師失據士因廢業茂才俊異亦蹇于成侯
用疚心作而新之以興禮樂施教化成人
才裨治道焉諸士樂而美之作是詩也

南山其崇豐水既東自首蘊靈肴周辟靡於皇明興作
邑而墉維斯作邑以經以營以闢學宮以造我髦士以
需帝庸

維斯學宮其孰闢之師臣張子克勤于微既久既隳既
否斯熙爰有徐令載興載作倚我髦士寔繁孔碩
徐令徂矣歲月云邁無百斯年有築不壞有堂斯圯有
草斯穫有令斯徂不愀不慨瞻之昧昧告之嘖嘖

是用因循以極於廢

聖廢之極慘哉英虞斯傾師離席矣菁菁子衿止
無室矣民流息矣無業殖矣行道責責為我心惻

天啓斯文佑我鄆人康侯蒞止懷保我小民小民攸樂
既豐既獲既康既廓其色沃若侯曰時哉乃其有作

乃作講堂講堂翼翼乃作齋廡齋廡殖殖乃作肄舍肄
舍戢戢乃作中門中門仡仡乃作繪壁燦其有邑

學宮既成天降時雨我侯落之考鍾擊鼓有蒲斯濯有
鹿斯脯豈樂飲酒觀者如堵猗我臺上載歌載舞

言言學宮既遠既新我侯蒞止其從如雲於樂泮水嘉

采其芹明明我侯淑慎其身其德不來萬福來臻

言言學宮既新既遂我侯蒞止有錫其佩於樂泮水言
采其芟明明我侯克孝克義克友克類萬福攸暨

言言學宮我侯蒞止猗我髦士載瞻載喜載趨載步或
問之經或質之史侯曰來爾爾究爾歸洙泗之渙

侯曰來爾維皇作士匪言用譽維才之需若構明堂爾
棟爾橈若飭簞簋爾璫爾璆爾或匪璆亦徒只且

學宮既成侯心載寧會其政成入覲于京入覲于京天
子是徵是翊是馮作耳目股肱士曰有謏言予小子是
式是矜

豐水粼粼南山出雲我侯于邁其車轢轢其旆央央其
御先佻何以贈之點瑟回琴何日忘之山高水深

南山十三章一章十一句十一篇章
十句一章十二句

古樂府

擬白紵舞歌詞三首

吳姬越女天下無生綃素絲冰雪膚鳴環曳履當座隅
爲君舞向紅氍毹錦瑟瑤琴樂與俱嫣然一笑千斛珠
君今不飲西日但

天孫織霧爲爾裳璚璫之珮何玳瑁日暮含羞出蘭房

六宮妃嬪如鴈翔文窓綉閣燈燭光贈君今夜明月
伎如何其夜未央

今夕何夕月華明露華凝美人歎息君玉
時哉易戢樂難盈南山不與世不崩上有松柏常
頽君與爾同遐齡

短歌行

來日無多驅車下坡請子飲酒我短歌山則有揚川
川有梁鷗集啄食鴈鴈翔天天國桃春風扇
不飲當奈子何黃金千鎰白雲一雙心之樂樂不
中谷有蘭言其幽天不見實敏系我憂酒則止

極則悲日中而長月盈而虧
雨雪蟄藏其身簾簾竹竿亦釣於水
君子惜理

白頭吟

種花不盈藩種莖常滿園
結髮爲夫婦中道
爲陌路塵昔爲比翼鳥
鳥飛東西去芳顏不自保
盈盈白玉片落落長松枝
松枝附女蘿曰玉無瑕疵
春風透綺疏織帷鑒明月
獨坐彈鳴琴曲哀絃欲絕
晨興汲井水當因理素絲
素絲結易解君心諒難移
白頭誓偕老理無乖
隔萌衆女善誰詠情愛一朝傾
妾身如舜華君

心若流水流水去不返
舜華亦徒爾浮雲起西北遙望
涕洟瀾思君君不知賤妾當何言

古意

花柳帶平蕪輕烟半有無
少年遊冶子笑挾兩名姝白
馬鳴金絡青絲繫玉壺
道傍僮僕未識是豪家奴

吁嗟歌

人有母死者而明日葬之
中塋予有感焉作此歌

母邪母邪生兒一何苦
昨朝聞母言今日送母入黃土
吁嗟蒼天兒誠何心

結交字行

結交結君子也。桐松栢耐歲寒。君子慎晚節。長
安游俠兒。黃金結知己。朝爲桃李花。日暮生荆棘。青青
原上草。無冬萎。霜霰丈夫貴。義氣小人棄。貧賤

憫鳳操并序

憫鳳操者爲隆慶女子作也。女子已字未歸
而其夫死。女子聞之亦自經死。孟生道其事
予作此操焉。

嗟鳳凰我仇兮。不與我同遊兮。雖不與我游兮。我心結
兮。甘與爾同穴兮。

南山操并序

漢陂子既老棲于南山之阿作南山之操五
首月夜獨坐被之絲桐抒情素焉

我棲兮南山有佩其蘭兮有芝可食綺皓逝矣誰與我
兮盤桓

南山之陬兮我憩我游桂樹叢生兮其葉颼颼王孫歸
來兮與爾淹留

倚桂樹兮浩歌兮撫夫兮雲中過拓我采苓兮山之阿
山之阿兮采苓上有恹松兮偃蹇而蟠屈蒼虬之形安
得駕此蒼虬兮橫四海兮觀八溟

山靈靈兮出雲風兮涼發時雨降兮霏霏芳艸出
兮勃勃恍湏臾兮明晦見斗柄兮夕揭蕩吾神兮天游
足不履兮散髮濯澗水兮冷冷弄圓圓兮明月忽浩浩
兮長嘯舞潛蛟兮幽窟

水有蛟兮山有虎我與游兮不我有怒山有魑魅兮
人與我游兮不嘯以頻嗟嗟南山兮既幽既好繫我白
駒兮棲吾身以終老

虎生三子行

虎生三子中有一虎鳩生三雛中有一鷄鷄飽食鳩
亦啞虎虎鳩流涕言吾與爾同乳不見雲中鴻哀鳴求

其信咄嗟爾何心胡不使我同巢而棲共穴而處

猫相乳

丁亥孟夏予家二猫方皆乳子其一死焉其
一啣其子並乳之予有感焉作猫相乳

若不見上留田豈無兄一朝父母死弟不得食嗷嗷啼
路傍又不見尹伯奇父吉甫一朝喪其母嚴霜履平野
呼父父不顧咄咄嗟父邪兄邪勸汝慎勿怒不見予家
猫相乳

秋夜離歌贈王明叔

秋風蕭蕭兮明月在天蘭菊芳菲兮白露漙漙漙漙高

飛兮亦求其侶我與王子兮不能同處王子歸兮雲中
駕青虬兮挾長虹夕發軔兮南山朝遊遨兮帝宮山川
爵兮千里望而不見兮我思王子思王子兮奈何抱明
月兮終始

太恭人壽歌詞三首

南山巖巖兮松柏純純兮雨露之暈兮是以與爾歡歡
有美一人絕代無皎如冰雪不可汚鶴髮垂垂翠與珠
右挾纖女左麻姑娟娟鸞鵲傳語格琅玕光映紅珊瑚
直須一飲三百壺

雲軒冉冉兮下大荒餐朝霞兮沆瀣爲漿西遊崑崙兮
東憩扶桑百千萬年兮樂未央

五言古

彭城別段德光追曾聖初侯景德黃仲實不交
夜泊宿遷縣南獨坐無寐萬感俱集述五百
六十字

王子謫壽州暮秋發京國是時偕我行彭衙侯景德
尤下詞林氣象頗蕭蕭聖初瑞安令夙昔重交識六日
候河許買舟寧計直行行及清源仲實來孔亟我生自
北土舟航借馮翊白晝或差迎清夜必相即或開一樽

酒或陳數篋食身世忘沉浮笑談露胸臆有時激醉鄉
高歌破幽墨有時擲蒲樽大呼呼采色群譚何啾啾孤
坐或默默踪跡若殊軌指趨竟同域連宵燭屢更達旦
寐乃得不獨暢懷抱兼以防盜賊徘徊晦朔周前路彭
城逼咫尺未能到風起天氣息德光及我舟樸大不雕
飾其中無何有簾蕩難致力向工拾筭坐繫之境山側
緬想大風歌千古一傷靈三子駕輕舸乘風無少息將
謂想彭城感慨吊蘇軾因之別德光携我清河血奈何
夜渡洪停留無頃刻居然遺我書我到日已晷翌日始
窮追恨不奮雙翼兩日竟請條疾行恐顛踣夜宿宿遷

南荒村人避匿其地寔極梁其途多荆棘寒月半欲墮
曠望不極鴻飛何處亦唧唧我夢不可成我心久已
惻寂寥思往事嗟然願恒憶十年翰墨林冥行但
摘埴一歲天官曹奔走暗品式譬之泥土質昏暗在
拂拭君恩直浩蕩猶遣列郡職星駕走郊垆春風課
織事守如事兄避惡如避鉞歲月久不變隨罰處可
少小事家狂老大始謙抑未言杜與韓敢望契與綬父
母遠晨昏兄弟隔南北靜中一斛念悲恨豈忘億大兒
廿一齒頑厚非軒特誤遣學科名因何事差忒所幸
在故鄉庭闈候門闕小兒始六歲亦非收與襲但令
讀古書

謀生勤稼穡不墮名利場一朝生媿克故鄉十畝園佳
樹舊栽植壽親酒不賒看山亭可陟行當賦歸去羸馬
自控勒乾坤浩無涯我行未偈人所貴治我心嘉禾去
螟騰行臧自天命潛修在已飭不須問龜著幽玄亦巨
淵吟餘發長嘯風冷水淅淅鷄聲出遠林良朋正相憶

晚游東園

白日隱蒼巖東園流輕颺徘徊蕩離憂袂涼飄搖時
經濟雨後四顧成蕭條茂草被脩徑崇垣委深坳况聞
禾稻傷兼睹群賊驕華胄遯難即天閭亦迢迢孤臣煎
百慮感歎變二毛安得生羽翼隨風以遊遨

燕會贈諸友

卜日駕言邁，瞻茲川陸平。親友集高會，置酒青園亭。中
庖具膳羞，歌舞羅衆伶。鼓瑟發清響，擊筑揚新聲。興移
夏日短，入夜燈燭明。壯士起爲壽，誼重白璧輕。人生固
有懷，冠組非所榮。願言崇令德，勿渝金石盟。

夏夜

時雨淨飄塵，東方出明月。明月照我懷，况復微風發。仰
觀星宿稀，斗柄空中揭。鳴蟲各及時，栖鳥巢深樾。桃李
競春榮，坐見群芳歇。人非金石姿，憂傷徒自伐。得酒且
爲樂，無勞悲素髮。

至家三首

西風吹雨絲遊子歸故里親朋知我至候我城東趾下
馬拜親朋相見悲復喜盜賊滿淮南居民半凋毀恠我
羽翼短何爲遽脫此行行入城闔問對未能已大雨忽
沾濕分携各遠邇

冒雨入吾門栢槐相映綠老父立堂上母亦出後屋牽
衣哭不休淚下滿胸腹宗族盡掩泣隣人亦頻卑蹙群弟
苦勸止跪拜始能肅歎我白髮生憂煎累萬斛頃刻欲
具陳何由盡所蓄

雨稀衆客散諸父仍淹留晚炊香稻熟園蔬青且柔春

酒浮滿缸相勸洗我憂對此團圓夜誰能辭巨觥新詞
自述作高唱激清秋語及阻賊中潛然還涕流願老南
山下此外將安求

呂子仲木遣其弟持書見訪酬荅來意

佳人抱沉疴高卧涇川潯閉戶理瑤瑟寥寥稀賞音白
雲宿高塊清風吹古岑茅簷流月輝照見千載心戀故
結遐夢道長違盍簪暮秋仲氏至恍如顏色臨遺我尺
素書琤然璆與琳上言長相思乃在終南陰再拜謝仲
氏此意良已深我欲往報之愧乏雙南金含情靡終極
坐晚楓樹林

花下對酒憶康五

林栖鮮儔侶芳醕聊獨親
繁香媚旭景嘉賓及茲辰
習谷風發華葉卉木春黃
鳥鳴枝間翩然求其群對
此豈不樂念彼同心人夙
志干泰清麗藻回天文久
要意不薄惠言蘭吐芬室
遠心徒勞追超靡所因安
得驂雲霓頃刻馳見君

春日楊氏水亭讌集

華櫺俯青瑩垂楊蔭碧流
讌會張錦席盡簪浴朋鱗
鱗鯉湛玉醴彈箏發秦謳
珍膳困鱗薦異道澗毛羞
主人盡愛敬賓客樂淹留
秩秩序投壺翼翼射侯退
瞻引

崇巘狂歌激深秋終日不知倦既醉仍思遊振衣陟西
原度澗緣東陬逍遙觀耦耕徘徊狎群鷗山氣含嵐陰
林霏昏鳥投故途鳴策歸近郭薄露覆嘉時類修禊
非逸少儔

春暮二首

曜靈無停晷青陽倏云徂繁陰匝庭除鳴鳥依芳楹
變南山雲神飈若涉以驅光景遙明晦霽雨來須臾欣茲
品彙暢因感節候殊濡毫面虛牖瀟瀟洒聊自娛惟恐老
境逼彷徨安所圖

艷葩不泆旬飄落委泥滓密葉發長條離離綴青子嗟

此芳春賦
昔東逝水逝水無迴波芳春去若駛人生
期百齡百齡亦何適
鬚髮一變素丹藥無還理豈知尼
父畏翻爲原壤取所以古哲人兢兢慎塗軌
弟子勿漫
矜芳華不足恃

苦雨

仲夏雨澤繁流潦何縱橫
腴田豆苗爛災沴產妖孽
牟被原野熟腐帶登場
西北羽書至犬戎侵我疆
王師遠出征列縣供芻糧
車趨好時暮夜走且僵
丁男未返稚子飢
徬徨寡婦歎幽室農叟泣道傍
日望南山巔
臺無風不揚誰能顛
蒼旻回茲白日光

襄城王輓詞

萬里多悲風白楊何蕭蕭哲人即永夜冥卧空山坎壈
昔瞻雲輅天衢恣遊遨才超燕臺俊譽傾南國豪龍門
不可登瞻望徒爲勞躬臨景塵綬習靜探羲文坐觀青
臺端翩翩雙鳳毛遐澤浩無涖流芬亦何饒墓草春露
零華表秋雲高自此玄堂下蒙貺逾逍遙

王綱之輓詞

稱齡負才氣高步承明廬弄翰泣神鬼披腹呈驪珠
臺羅衆彥簪犀華上雲衢直詞動稷契至治回唐虞青
萬里道秋霜澄海隅嚴嚴泉司副崇階不易趨風雲際

嘉會西南通坦途
蒼冥不狂飈生白
壁青蠅汚壯士撫
膺歎泣下何霑濡
至今首山巔雲慘
氣不舒

對菊有懷諸友

東籬雲露滋秋色
燦盈目仙姿有殊
類密葉映深綠時
維霖潦收欣看林
葉熟引觴聊自酌
玩此群芳馥白雲
何英英南山亦重
疊微風吹我衿飄
飄絕煩煬校藝行
且誼清商發新曲
仰視歸鴈翔翩翩
亦何遠慨我平生
親佳人在空谷逸
氣蛟龍騰貞懷鸞
鳳伏川原邈相隔
鶉鷩不可屬徘徊
日空暮歎息倚脩
竹

東谷篇贈王明叔

美入住空谷，獨坐探化機。朝暝麗扶桑，流影來荆扉。碧
空浩無滓，神風蕩喜微。因之明我心，虛室生光輝。寅賓
協禋典，湯盤銘未遠。一徹萬彙融，洒然追浴沂。花封藉
餘照，草木回芳菲。遐蹤期海隅，雅志扶皇闈。鳴鶴感夙
興，轉盼零露晞。曷哉當及晨，勿俟魯陽揮。

感憤詩二首

二儀無易位，白日有蔽虧。人心不相謀，忠信乃見疑。周
公翊王室，反用流言爲骨肉。尚自然，何況行路兒。千載
騶梟篇，感愴令心悲。

中夜不能寐，攬衣步前楹。惡言切肝腎，怛然傷我情。芝

蘭化蕭艾鳳鳥爲鳥鳴
天古賦騰沸無乃爲酒醒
吾猶冀爾叱僊僊稽舊經

飲酒

紛紛揚白花化爲浮萍
草隨風無根蒂盈盈清沼人
生寄一世窮達難自保富而不可求何當從所好無如
飲美酒愉情以終老

酒誡

糟粕伐真性幽滯詎能澄紛紛英妙姿而乃墮昏冥競
慕七賢曠回嘔三閭醒馳情媚醇酎雅志旣巨觥醺酣
竟朝暮那復探遺經遺經勿復道腐腸良足懲卓哉崇

伯子子載揚令名

漢陂集二

詩

五言古

詠懷詩四首

昔我遊京觀，翱翔青雲端。明明孝皇朝，炳亮羅府官。陽
德被海隅，陰侯不可干。謬忝金闕臣，蕭灑有餘閑。奮志
修孔業，敷辭追馬班。乘時蕩八極，迅舉凌風翰。吁嗟厄
陽九，中道惟險艱。鼎湖龍上升，烏號竟莫攀。志士恩未
酬，數切涕潺湲。

上天遣霄象，丙寅乃其徵。其年秋九月，游觀災沴仍閭閻。

登橫天紀二相奪台衙踉蹌發都邑道路歎且驚而我
抱沉憂端屢涕泪零自茲虐蝕熾賢豪委塹坑閭閻遂
殫竭豺虎亦縱橫幾事各有端不密害乃成嗟嗟韓司
徒徒勞伏闕庭

無稽言勿聽弗詢謀勿庸經幃有常職竊擬回天聰天
聰竟莫回忌諱觸奸雄奪我鳳凰池寔我豺虎叢恭顯
已伏辜斯甫復予恫倉皇壽春役濫罰非所蒙

壽春湯沐郡山水亦孔固我于往居之簿書頗暇祿髮
士從我游咏歌諧英隸斯甫終見猜藏心有餘怒地震
日爲食咸謂由我故有詔譴歸農聞命轉怙豫蒼天亦

悠悠予懷竟誰慰

示康甥兼四首

華族活固始陟陟樓長寧尚書樞鴻業竹帛流芳馨翼
翼兩大常奕世篤忠貞銀臺蔭烈祖傲睨敦古風天施
亦頗畫爰有平陽公

平陽起關內巖巖蔚蔚具天馬脫羈銜雲霄橫馳騁鰲
胸海若藏披腹琅玕露並遊英妙姿奔走煩顛仆造物
意巨測奇貨人莫顧貌矣尚書數終以貽爾父

爾父龍頭選天荒破三秦出入承明廬揮灑西漢文
鳳遊丹霄不與燕雀群嗟予等朦昧定交忝德鄰同心

斷金利言若芝蘭分歲寒誓不渝抗慨遂結婚

結婚緣骨肉終始以爲期綿綿女蘿草遠附長松枝惟爾君子德爲子弱息師率之孝爾父行成名不虧魏世爵堂令德乃其基五葉積累功似續良在茲戒爾助爾孝勿使高人嗤

釋疑

晉國羊叔子敵人諒其心饋藥固未達夙德良足謀駒虜不踐草舉世無弗欽鵲鵲芝蘭芳不受惡臭侵素節既不移群猜胡帶淫腥穢穢斯集行陂疑乃深君子貴自修勿用曼崎嶇

盜警

仲冬陽生夕暴客入我室我室何所有耀首黃金飾白
金爲卮匱大半自籠錫搜索罄囊橐夜央天正黑時我
寓園直對客方愉憚老妻乘間出走匿慈闈側率彼志
駛貨刀劍不我即我聞古哲人群盜欽令德養心或就
農逼境或斂跡我固非慢藏茲變何由得救頓乃不敗
需寇亦可息作詩書戶牖出入庸自飭

北遊

僕夫夙嚴駕曰予徂渭陽出郭縱遐眺原野何茫茫
時春氣浮雪融塵不揚條風應候至征鴈復北翔
淚

水泉鳴岸柳柔且黃感茲悅心意寧知道路長因思在
環堵俛仰徒面墻安得長出遊撫景以徜徉

春日訪友

自予遊渭陽蹉跎期月餘感興訪同心夙駕復西徂
煙流曠野輕颺逐簾輿宿麥回綠滋丹杏發故林黃
出幽谷求友聲追呼因念伐木詩臨景興益舒陟彼甘
水涯言造君子廬翩翩春服成悠悠童冠俱洋洋歌詠
歸彷彿追舞雩

觀物

靈雨被芳苑群葩競敷榮綺綉爛相錯類雕甍繪能青

陽轉義較一一形色三靜造物意蕩然靡有情

病起三德齋過訪

睽離歲云周晤言方及茲子胡忍棄予軒車來達渾
爵石上松蒼蒼冰雪姿豈無骨肉親念子均所持子嬰
負芻菑抱茲采薪悲期子子不至中懷當誰羅翩翩雲
中鶴隨風起雙飛緊彼平生友既觀我心夷

憫雨

冉冉芳春暮寥寥甘澍稀來牟委畦畛農人安所依行
雲倏有無蒼生望轉信嗟嗟音不揚鳴鳩徒爾爲
雲漢篇慨嘆令心悲蒼昊亦孔仁詎能捐展黎洪霖莫

端沛庶以慰吾思

喜雨

皇天無棄物亢極雨斯沛
皇澤沃四埜勃然興萬景
扶藹郊坰昕夕殊榮悴
結澤見嘉禾亦免抱瘡
九淵
浹絲桐固應浮公檜道
長吟發天籟

聞鳩

時禽媚旭景並吟芳樹林
飄風自南來洋洋流好音
彷彿金石奏聆之悅我心
匪物移天機自不禁淵雲
各有適羽翮鱗乃沉
然已忘言誰爲徒羨歆

暮春南山見雪

青皇且辭馭南山，鬱鬱朱宮狂飈振。庭柯夕雨寒淒淒，
明從遐曠雪嶽皓。崔嵬褰服不禦寒，續如乃可携北斗。
酌元氣，寒燠隨所躋。休咎各有徵，古訓誰其稽。

黃閣峰

崔尊老將至，幽竒寡探索，適聆黃閣峰。乃在紫閣北，白
閣峙其南。飛瀑經其側，陰暉殊氣象。巖巒鬱特嘉，名
久沉匿勝。繫棄莫覩，予聆王生言。煩賢韻，揮滌游目天。
南隅恨之凌風翼，躡屐挾肩信危巔。庶可陞。

大禮

至孝本天性，流植各有因。時賢議大禮，頰舌固紛紜。瞻

曉日月昏感激天怒噴明明我祖訓一本枝葉親名正
廢事康孝與四國仁夏殷軌已遐惆悵誰與論

春日宴集示諸友

嘉辰苦過逝爲樂當及時韶華盈陋園良朋復在茲列
坐茂樹陰瀟灑洒多令儀時羞薦爲芳榮滿驛引蒲厄物非
意乃勤主獻賓不辭珍葩映虛牖好鳥鳴高枝感茲發
天籟鏗然吐麗詞謙謙二三子盈盈冰雪姿歲寒盟勿
渝好爵吾與簪

雜詩十五首

北山何濯濯中有堅貞石托體文豈流大書爲深刻龜

群芳盛茂最奇造雲霓億萬祀珍玩茂琛璧南山
瀝陸海寶藏皆財殖其石粗糲姿良工巧莫即乃知穹
壤內清濁各有適

中林有巨鳥自矜毛羽貴一朝振翮飛忽與飄風會展
轉萬餘里下息丹山背扶桑麗朝暎彩霞結成蓋棲止
青桐柯渴飲灋泉瀨久假不自知殊非鸞鷟類

西北起浮雲漫漫盈堪輿終朝不成霖頽陰詎能除太
陽匿精光魑魅乘其虛鵠梟雉城闔豺狼嗥路衢利劍
不在掌挽仰徒嗟吁

嶺嶠太白山中有野道人被服紫烟衣危冠高切雲霞

冬浴龍湫夜穿虎豹群玄髮雙碧瞳冲虛含道真我欲
往從之山高水雪深焉得延年術歎息傷我心

日入群動息鷄鳴各爲謀江河日卑趨萬派同一流推
移無回理沉思結網繆綢繆不可解曠世惟遠遊遠遊
竟何鄉西陵峴嶺丘南沂湘江止東海北幽陲逍遙群
仙旁庶以解我憂

子真棲谷口君平卜成都下簾授老莊荷耒耕巖墟豈
乏滄波鱗鰕涎聊自濡嗟彼燕雀群可以握粟呼朱鳥
翔若寥下集高岡梧狷士多苦心非輩譽溢皇衢

蒼雀樂海蛤樹草化流螢飛潛忽異稟動植頓殊形蛤

阮瞻所尤贊亦弗自矜士處大化內道固有發與中懷
遽欣戚擾擾徒爾繁何如休休子順受沒吾寧

昔予遊渭濱北上咸陽原高塚鬱鬱蒼蒼松柏繁嘒
彼泉下人賢愚同一墩慶世夸名譽死沒誰復論及顧
望城邑清渭帶郭門冠蓋東西遊往來車馬喧滔滔若
流水大道塵埃昏終焉即長夜胡爲苦馳奔人非王子
喬誰能久生存

青青渭川竹結根在芳苑結根亦何固蹉跎歲華晚取
彼霜雪姿截爲瓊瑤管持以發清氣鳳凰吟宛轉遊魚
浮洪波坐客再三歎借問歎者誰師曠爲顧及昔依濁

水泥今倚青三案在物固有然恒惧知者鮮

流光云何駛端坐懷悲辛素髮被兩耳無由探道真太
華嶽崑崙峽洪河浩無津反顧力已疲回飈揚暮塵行歌
日慨歎無乃傷其神願采南山薇聊以終吾身

南山有長松枝葉何青青上有常棲雲下有千歲苓我
欲采此苓服食求長生嶮巖不可上況復虎豹橫安得
羨門子並坐吹玉笙

昔聞鳴鳥至乃在岐山陽風雲四面會萬國流生無不
茲樂與斯文祭以章神駟無久棲翩然遊大荒迢迢
碧梧枝千載零秋霜秋矣高岡音感歎推我腸

英英子房公頗悟盈虛理平生萬戶侯棄之如脫蹠辟
穀食朝霞托遊赤松子長嘯青雲裏可望不可邇下視
冠簪侶擾擾向泥滓

鷄鼎固殊視董猶豈同臭孰曰鄭衛音而諧清廟奏齊
門鼓軒瑟居然蒙紫詎黃流注瓦缶過者哂其繆君子
亮高節寧與世情媮

名獻多巨材急湍無脩鱗季世浮偽滋仁義古所珍情
睽骨肉離志洽胡越親所以賢哲士清修慎厥身厚德
匹坤壤和氣如飲醇身老名不衰千載貽清芬

白牡丹

丹葩固殊品素艷益足娛春滋玉堂芳質瑩冰雪膚碧
葉映逾潔檀心燠始敷仙飈流奇馨朗曠麗芳株零露
瀉甘醴淨蟾耀冰壺娟娟媚幽獨迢迢謝名區芳賞逮
茲晨勿俟青陽徂

代贈康汝修三首

赫赫豐城劍鎔皚荆山瑛至寶出雕琢利刃發霜劍陸
剗象與犀水斷蛟螭精珍璞遭卞和居然價連城君子
韞德器薄書勞其形一朝值風雲翱翔在天庭何殊劍
與王洗琢露華英殷勤亮自寶勿爲塵土嬰

依依楊柳樹結根流水湄春風朝暮起飛絮何處人

生一世間會合相見中道成別南北各天涯卓哉
太行子去去遊天池我不得顧惜偏當路岐贈君青
萍劍勸君碧玉卮千秋竹帛勲歲寒以爲期

白雲樓巖巖歸龍在淵水一旦風雷合雲忽從龍起士
懷經世略偃仰困百里冠蓋見督郵丈夫未爲耻忍性
益未能古賢每如此脩塗御輕車發軔自茲始去矣吾
康侯皇僚方眷爾

代徐生送王令

丈夫賤雷同貴在相契心杜士報知己義氣輕黃金
子去不返伯牙爲毀琴我侯東山豪識我多士林欬然

乘雲起棄我南山岑
仰觀鵬鵬搏羞爲雞
冷安得天風發霄漢
相追尋

何粹夫寄詩因次其韻

粹夫厭紛華滔滔付流水
雖然陟九卿未能博一喜
台衡倘虛席姚宋不專美
壁豆萬木材獲茲千尺杞
向來寄我詩麗藻燦文綺
上言報明君下言知進止
風簷展之讀馨香浹牙齒
謂我如芙蓉涵影清波裡
四海兄弟中以我爲知己
我心欲報之潔身而已矣
歲寒盟勿渝百年事乃已

附粹夫詩

我愛王漢陂芙蓉映清水香風入人懷見者無不喜學
問尚一時詞翰復兼美共言宜禁林誰遣落荆杞鼎食
羞素餐林居貴黃綺彼此得失間可以一笑止我懶世
事踈躬耕甘沒齒誤蒙聖主恩復綴班行裡碌碌逐隊
行平生愧知己世路機阱多吾亦將逝矣緘書報同心
西望何時已

東原晚歸

以下和對山子

冉冉西顏日流暉映碧嶂幽人坐釣石濯纓弄清涼
旋車歷巖阿歸巢聞鳥鳴感興托古詞清泉出壺亮誰知
胸次中拍拍春醞醲

登翠樓聽歌

憑空覽壯蒼翠登茲百尺樓春風蕩擊竽高歌發秦謳梁
間轉流麗雲際迴歌喉陽春寡酬和佳人不可求恍疑
碧桃謝景與瑤池年曲終意未極青楓生遠愁

荅德充

小宋經世略悠悠遠寸心元方清廟器寥寥希賞音共
隱卻城曲文豹霧露深篋鳴墮乃荅杜莊老已侵白首
式相好感歎斯千吟

許西遊隱

往春遊許西堂隱隱然食焉夾脩德外呈芳妍佳

魚取作膾清魚可煎微醺發皓齒舞袖翩翩焉春日
足娛樂爲賦行樂篇

有懷同約諸公

君家世爵堂自謂門爲華酒掃延友生展轉如首疾忽
聞雷雨至惟恐車馬室長歎憂益深微吟筆載述洋洋
伐木篇千秋情可匹

世爵堂宴集

脩短各有期重我慕廣成何如飲美酒設宴羅華楹君
今有令客一座都爲傾客本服高誼投君膠漆情乃從
遠方來佳會固有名主獻南山壽客報琚與瓊乘風步

前軒仰見浮雲征徘徊撫朱絃感歎歌載賡但楮林空
性非敢薄公卿

再宴世爵堂

諸君英邁姿壘道各有成屏居謝人事浩蕩無拘攔
纓在滄浪簪組非所榮竭來遊許西慷慨懷主情灑掃
陳八簋高堂敞虛明佳人理瑤瑟四座春風生有酒旨
且多脩几羅翠鬋主壽客不辭流連殘月傾願爲比翼
鳥何求千歲名不見古烈士慕義黃令輒

對山草堂宴集

對山草堂宴集
東山謝滿

谿花正香何必黃四娘雪兒歌楊柳花奴行玉觥斜陽
掛遠樹勿用傷遲暮不見平津侯一朝起徒步漢殿影
娥池吳宮香水谿昔人那可見唯有烏夜啼

汴東眺望

邙城多與區古今發靈秘岡峰揖南山川流赴清渭
孕茲豪傑才豈惟草木翠我明康尚書蒼虬起溝洫彌綸
奪天工斯文幸未墜曾孫步承明見者無不疾驚馬追
驕騁奔馳亦勞瘁暇作汴東遊非緣修禊事瞻眺及嘉
辰齋歌挾同志登高復臨流情詣即舉觴詩成訖揮毫
推敲或苦思遲速惟所云難倣金谷例

登審翠樓眺望川原

雄增挾長川，紆迴隔復合。傍有鷗鷺洲，蒲柳蒼翠與。
在水與山誰能老，一園今日上君樓。憑闌一解顏相逢，
且飲酒人無金石壽。富貴如浮雲，白衣忽蒼狗。

經漆村覽有郛古蹟

芳村烟火稠，堪信古爲縣。綿亘見沃野，平林鬱蒼蒼。
有本有郛人，地志頗諳練。挾客西南來，指點舊郊甸。不審
后稷屋，或恐他朝歿。殘壁與斷礎，往往草中見。或爲牟
麥墟，或爲霖潦淀。陵谷竟難窮，遲迴目欲眩。惟彼終南
山，繫自鴻濛奠。渭川經其北，勝槩良足羨。

過慶善宮

皇天頌獻亂太宗當其衝天戈起晉陽矯矯聖中龍乃
知溝澮間神物固難容誕育在茲壤山川靈氣鍾清眉
環其區終南如堵壩遺宮間蕭瑟朝暮聞清鐘宮前斷
碑卧雨深蒼蘚封土民或拜舞卜歲求豐凶樵牧不敢
入亦欽王者蹤客從許西來經此南課農下馬瞻闕像
進止還肅雝

渭河泛舟

北渡渭河水南上碧雲峰峰頭何所有離離多古松松
根白茯苓味若春酎釀食之可飛步飄渺烟霞蹤

彭麓山房宴集

空有紅珊瑚，盈盈萬數尺。持之博村醪，反爲農父益。相
逢不一醉，別後怨疇昔。我今有美酒，來坐松下石。勸君
君不飲，騎馬將安適。不見桃李花，落盡五侯宅。

同濠溪觀仙遊潭和對山止此

潭水黑到底，龍卧疑有靈。我昔恣登眺，恍惚仙遊亭。其
北有古洞，馬駢嘗閱經。其南多蒼山，一一如畫屏。蒼霞
翠微間，梵鐸忽一聆。有時煮山茗，繫龍汲中冷。劃然風
雨作，浩漑如滄溟。浮雲倏聚散，山鳥歌不傳。同遊五六
人，相將醉復醒。歸來憶佳景，夢寐瞻娉婷。茲聞群公遊，

宿棲雲局勒彼潭上石萬古遺芳銘

怨詩

受侮亦孔多中懷不可道秋風吹我心如飢復如擣
斗粟尚可舂尺布亦可縫如何骨肉親二人不相容
君非少壯姿我已白髮翁如何立談間怒氣相擊攻
逝者亦云已生者宜相親不見阿峰墓怨宿蓬蒿塵
脊令飛在原棠棣亦萼萼忍君二十秋不我以為悔
彎弓將何爲垂涕以相告君心如可移怡怡以終老

松坡

鬱鬱長松枝托根幽澗潄黯然鐵石姿不受雪霜侵蒼

虬巧蟠屈棟梁非所任香靄烟雲浮匠氏竟莫尋有時
清風生或聞竽籟音仙人王子喬翩然下其陰獨坐吹
玉笙相將玄鶴吟曲終乘之去翱翔蓬萊岑

讀寒山子詩四首

貪夫徇財貨捐生竟莫悟下士戀名爵滔滔不返顧倉
山敞巖洞白雲圍其戶泉石豈不佳孰能棲烟霧三復
寒山詩感歎傷遲暮

避世風顛子蓬頭脚不韉身卧寒山雲心似秋潭月嬉
遊狎豐干時時徂目闕仰天忽大笑海鶴唳清樾揮毫
向山壁龍蛇動崑崙流傳千萬祀芳名詎能沒

淼淼注河水風行自成文盈盈荆山瑛雕琢喪其真才
士競虛名吟多徒損神壁後鸚鵡鳥解語終非人安得
遜世翁中局絕埃塵

高士眇冠組雅志在泉石以彼冷霞腸蕪之眠松魄朗
吟發天籟笙琴音繳繹態若春空雲靄靄無定迹爲謝
夸毗子紛紛竟何益

悔詩五首

詩人憂鮮終君子慎末路予齡六袞餘中夜徘徊顧聲
伎娛耳目萋斐被讒妬翻令黃口群乃爲皓髮羣狂者
不可追茲予灑然悟誓言處幽閒閑情水東注

覆霜識堅永哲士暗未萌云胡連枝雛化爲止棘蠅蕭
墻伏干戈陰妖蝕陽精爾悛若罔豫爾及悔何勝安得
巨乃心永結骨肉情

燕雀處營幕不悟棟宇焚乃亦嘗歎息乃今若罔聞不
心良已朽外飭采色文屠豎口誦佛手刀靡朝暉乃今
骨肉間胡以殊所云嗟予抱沉憂逝矣方離群

誤覆陌路塵蹉跎逾十春豺狼眠我旁贅疣災我身朱
顏成醜老縞髮變爲銀妖魅欣隕滅聲伎猶相親衆口
訾沸騰流言難具陳骨肉尚有然何況行路人無如學
掃執端足是怡神

訪青衿遺經指迷中抱鳴泉心慕無繿鳥啼一
朝露其真噬母如啄泥為語門牆徒勿並近蒙樓

詠懷詩四首

丈夫處世間秉志植綱常策動稷契傳致士希虞唐英
賢慕華風竹帛有遺芳若人豈非美時屈志莫揚棲遲
衡門中歲暮徒悲傷

孔門陳四科顏閔德行尊袁貞燕張仲孝友古所敦世
降風教微斯道日以淪窺焉棲鄉閭綱常道頗存焉哉
暮勿淪戾以貽後昆

文苑競雕綴氣骨卑以弱矯矯許西子力能排山嶽先

秦汧淵海斑馬啓高錦嗟予坐遲暮發憤乃讀書安能
謝鷺策紆然虎鳳躍

崆峒起朔方流風振大雅同心二三子信陽馭天馬六
義闡幽微騷漢出揮洒盲瞶濫提挈自慚精力寡二暮
宿草繁哀傷涕猶瀉

懷粹夫

悠悠勞我思美人在河內偃息明月巖食霞吸沆瀣隔
別數經秋歲序不少貸伯勞與飛燕東西歎逼背願爲
比翼鳥飛遊洽情愛

喜晴二首

秋霖滯晨夕，空條朗豁持。禽鳴旭暉候，儻才應落懷。
卧怕栖遲快，霽星登作叢。望匪虛痛迅，風逐鷗鷺歸。
豈外求嘉賞，胡不樂楚騷。勿復陳文苑，欣可託。
壯齡謝珪組，林棲迫桑榆。濯纓清渭流，策蹇紫閣隅。
鳴鳥瞻收陽，擊壤懷康衢。習幽塵慮銷，觀景佳興敷。
芳醕聊獨親，徒歌孰與俱。枯桐鉅朱絲，風簷良足娛。

雜詩十四首

南山挺蒼松，中林產靈芝。靈芝和粹疑，蒼松霜雪姿。
姿清廟材和，擬間世奇二物不相肖，于世各有宜。
南海有佳人，容貌絕代無被服。菱荷衣綽約，冰雪膚。

風自南來寄我珊瑚株珊瑚未足貴將以結驪虞我欲
往報之道阻不易趨惟當佩茝蘭芬香慎勿渝

皎皎天邊月
皎皎樓中女
盈盈離綉戶
默默理砧杵
孀涼風發颺颺
纖袂舉明月照女心
深閨誓獨處

夢父逐太陽居然走且僵
醜女苦効顰佳人哂其傍
拙工代班輸血指空傍
惶巧拙妍醜殊天賦固有常
竝刻

擬蛟吟云胡不自量

中林虎豹群白日遊山樾
鹿豕豕採樵子往往登其腹
山

靈離禁詞唐人畏莫逐驅虞
影光輝垂首垂深谷

秋江產芙蓉容華何皎皎
其上巢鵝鵝其下棲鸛鸛
我

欲乘此花英被長道歎息起中夜只恐凋落早

豫生狗智伯子房報韓仇斬衣死趙襄紆策植父劉成
敗固有殊雅志各能酬青史垂嘉名千秋耿未休鬱弓
射其師歎息逢蒙儔

巢居知天風穴居知天陰君子貴未然志士多苦心
蟋蟀戒太康鹿鳴媚德音處陋職思憂在位有荒淫秋蘭
棲幽谷春花耀上林浮世競炫赫貞閑古所欽

傳說感商宗乃在版築間恭默洞幽微夢寐覩芳顏
芳求肖厥像置諸青雲端對揚樹鴻猷匹美阿衡班嘉靖
與殷邦萬祀名不刊軌云蹈遐軌變起哀歎

周公扶王室管蔡有流言云胡骨肉親明茲孽孽端趾
惠出同胞聖恩曩與鸞檀雁戕仲尼瀚海揚波端賢我
司馬牛憂傷涕洟乃知崐岡均玉石固錯盤斯道無
古今哲士宜自安

高樓有怨婦歎息當因牖音爲傾陽葵今爲含露柳柳
條易摧折葵心終不朽女蘿附松枝貝錦雁讒口讒口
會有明松枝固耐久君無棄賤妾終以奉箕帚

神駒日千里產自渥洼潯龍種豈數有間世未易尋鷲
駘於康莊鳴鑾氣駉駉伯樂久已俱王良非其任老驥
伏槽櫪躑躅有哀音

牽牛在河北織女處其南鵲橋未易成銀漢不可探
亦有連理蟲有厥翼鷦鷯半文會有期誰云涕泗漣豈似
陽臺雲空令夢寐瞻

簷宇絲蟬鳴感茲秋夜長綉扇生怨悲牛女限河梁
露零增除衆草凄不芳浮雲蔽魏闕一別永相望中夜
起浩歎縱橫涕沾裳